



Regras di Programa di Abrigu Uniformi pa Famílias na Abrigu Familiar di Assistênsia Imergensial EA

Kuzé ki é EA Abrigu di Assitensia Familiar di Imergensia?



Bem-vindu a Prugrama Abrigu di Assitensia Familiar di Imergensia. Nu sta li pa djuda na próximu parti di bu jornada. Nós prugrama é pa famílias ki mesti di ajuda imediatamenti. É un trampulin pa ten bu vida stável otu bez.

Inkuantu bu ta fika na abrigo, bu ta ten alguns tarefas i atribuisons pa fazi. Kés li ta djuda volta fika stável más rápido. Abrigu ka é un lar permanenti, más é un lugar pa manti bó i bu família siguru inkuantu bu ta buska bu próximu lugar pa vivi.

Paké ki ta sirvi kés régras li?

Kundu ta fika na un abrigo, bu ten ki sigui kés regras li. Ta aplika abrigo bridge track, ki ta inklui abrigus kuletivus, abrigus dispersus i hotel. Régras ki é diferentis pa hotel ta ser anotadu. Kés régras li ta manti bó i otus pessoas siguru inkuantu na abrigo. És ta djuda orienta bu família i ta splika modi ki ikipa podi djuda durante bu stadia. Bu ten ki sigui kés regras li. Si

bu ka, nu podi da bu família un inkumprimentu. Nu podi fla bu família pa sai di abrigo si bu infringi regras rípidamenti. Também nu podi fla bu família pa sai si bu viola regras di forma sériu. Si nu pidiu pa bu dexe abrigo, bu ka ta ser pírmitidu volta durante dozi mezis. Píríudu di dozi mezis ta kumesa na último dia em ki bu sta na abrigo ou na último dia em ki bu resebi un binifísiu di abrigo.

Modi ki N' ta lé kel dokumentu li?

Keli é un dokumentu ki bu mest sina. É ta mostra si bu konkorda na sigui regras inkuantu na abrigo. Kada sekson ten un brevi rizumu di regras pa djuda.

Kada parti também ten pontus-xave pa foka. És ta djuda sabi kuzé ki bu ta fazi ou modi ki funsionáriu podi djuda. Si bu teni dúvidas sobri regras pa pidi abrigo, fala ku bu kordenador di sem-abrigo. Si dja bu sta na un abrigo i mesti di ajuda, pergunta pa ikipa di abrigo



Intruduson

Rizumu

- Ten dós tipus di - abrigo bridge track (Bridge shelter track) i Rapid Shelter track (Rapid shelter track). Abrigo Bridge (Bridge shelter) é pa familias ki ten nisisidadis más konplexus i más apoiu pa atxa un kaza permanenti, i abrigo Rapid é pa familias ki podi atxa kaza permanenti más rápidu.
- Lei uniformi di regras di programa di abrigo pa lokal di abrigo bridge track (Bridge shelter track).
- Alguns hotel i lokal di abrigo rapid track (Rapid shelter track) podi ten regras ki é diferenti di kës regras uniformi di programa di abrigo. Kës régras li é diskutidus na kel dokumentu li. Un insidenti ta konta komu un violason di régra, mesmu ki bu ten violadu más di un régra.
- Si funsionárius fla ki bu viola un régra, bu ta ten xansi di rispondi.
- Nu ta konsidera si bu ten un bon kauza pa kebra régra ou si bu ason foi minor.

1. Asesu pa Unidades/Piskizas

Rizumu

- Ikipa podi entra na bu unidadi pa fazi inspesons.
- Ikipa devi avizau ku 24 óras di antisidênsia antis di vizita, más bu podi entra sem avizu antis na kazu di imergênsia ou si és teni motivus pa pensa ki bu:
 - Sta kumiti un krimi na bu quartu;
 - Sta kuzinha na bu quartu;
 - Sta fuma na bu quartu; ou
 - Teni óspedis ka aprovadus na bu quartu.
- Ikipa devi bati na porta antis di entra na bu unidadi pa un inspeson. Ikipa ten ki dau oportunidadi di abri porta i fala ku és antis di és podi entra. Si ka tem ninhun



risposta, ikipa di abrigo i di hotel ainda podi entra na unidadi pa un inspeson si avizu
antis di 24 óras for dadu.

- Na un hotel:
 - Bu devi pirmiti ki sirvisu di limpeza entra na bu kuartu pa limpa tudu dia
duranti parti di dia
 - Nu ta dau un intirvalu di três óras pa kuandu limpeza ta fazedu
 - Más bu podi rikuza sirvisu duméstiku pa ti três dias siguidu si bu tem stadu
duenti.

2. Sirvisu di Babá/Kuidadus di Kriansa

Rizumu

- Kés régras di babá li ta aplika apenas kuandu sta na bu abrigo. És ka ta aplika pa
kuidadus ki bu fidju ta resebi na otu lokal. Bu tem ki ten aprovason pa ki otu pessoa
obzerva bus fidjus na abrigo. Bu devi prienxi un formuláriu pa ten kél aprovason li.
- Bu podi pidi formuláriu na funsionárius. Ou riseson, si bu podu na un hotel.
- Aprovason devi ser pididu ku pelu menus dós dias útil di antisidênsia.
- Bu devi kontinua ta aprizenta un pididu, mesmu ki bu ka podi fazi ku dós dias di
antisidênsia.
- Si bu ka resebi risposta na prazu di 2 dias, bu pididu é aprovalu.
- Bu mesti di aprovason ti mesmu pa ten otu óspidi na abrigo pa fika ku bu fidju.
També bu mesti di aprovason pa poi bu fidju más bedju djobi bu fidju más novu.
- Un kriansa ku idadi igual ou supirior 14 anos podi ser babá pa bó i pa membrus más
novus di agregadu familiar, más só ku aprovason antis ou pa un bon kauza, tal komu
un imergênsia. Bu fidju devi ser vigiadu na bu unidadi ou na unidadi di babá. Un
babá també podi leba bu fidju pa konsultas fora di abrigo. Sirvisu di babá podi ser pa
un úniku dia, várius dias ou di forma kontínua.
- Babá devi sigui tudu régras di abrigo. Keli ta oráriu.



3. Kuidadus ku Kriansas

Rizumu

- Bu tem ki kuida ben di bus fidjus inkuantu sta na abrigo.
- Bu devi sertifika di ki bus fidjus sta ben alimentadus, ta durmi sufisienti i ta frikuenta skola.
- Bu podi pidi ajuda pa bu asistenti susial pa atxa alimentus i rikursus di skolas, si mestedu.

4. Kriansa Dexadu Sen Vigilância

Rizumu



Avizu: Bu ka podi dexe bus fidjus és só na ninhun mumentu. Keli signifika ki bus fidjus devi sta sempri na bu vista ou audison na tudu tempu. Pur favor, lé Sekson 2: Sirvisus di Babá/Kuidadus di kriansa pa sabi kenha ki podi djobi bus fidjus, si ka bó.

- Un kriansa ku idadi igual ou supirior 16 anus podi sta el só na áreas kumuns di abrigo. Pa fazi, és devi ten aprovason antis pa abrigo di régras di sirvisu di babá.
- Un kriansa ku 16 anus ou más també podi sta és só si pais foi rapidamenti kontatadus pa tilifoni ou prizensialmenti.

5. Toki di Rikolha

Rizumu

- Bu devi volta pa bu abrigo ou hotel na oráriu di toki di rikolha difinidu. Bu podi ser diskulpadu pa falta au toki di rikolha apenas pa bons razons difinidus pa régras ou



lei. Izemplus di bons razons é si bu ten un imergênsia di saúdi, bu sta trabadja ou bu ka ten transporti pa volta na abrigo.

- Abrigus podi izigi ki bu fika na bu kuartu dipós di un sertu óra. Abrigus podi izigi ki bu fika na bu kuartu ti 6:00 am di manhan siguinti.
- Bu podi altera oráriu di toki di rikolha si mesti pur kauza di bu órariu di trabadju ou skola. Podi ten otus bons razons pa kal nu podi altera bus órariu di toki di rikolha.
- Si bu precisa altera órariu di toki di rikolha, bu devi fala ku abrigo ou ku ikipa di hotel. Bu tem ki sigui regras pa "tempu di silênsiu" ki kela ta kumesa un óra antis di toki di rikolha.

6. Danus a Material i Dispezas

Rizumu

- Bu ka devi danifika abrigo ou propriedadi di hotel.
- Si bu danifika ou tra di abrigo ou propriedadi di hotel, bu podi ten ki paga pa danus.
- També bu ta tem ki paga pa kustus ka kubridu pa prugrama di abrigo di EA. Keli podi inkui uzu di un tilifoni di hotel ou aluguel di filmes. Abrigo ou hotel ta dau un lista di és kustus kuandu bu ta muda pa abrigo.
 - Bu podi fazi un planu razoável ku nós pa paga pa kualker danus ou kustus. Si bu fazi tudu pagamentus na tempu, bu ta ser tratadu sima ki bu ka tinha infringidu kel regra li.
- Nu ta spera ki abrigus ten un disgaste razoável pa bu mora la. Nu ka fazeu paga pa desgaste razoável kauzadu pa bu vivi na abrigo.

7. Rikizitus EOHLC, Ki ta Inklui Kumprimisus Obrigatórios

Rizumu



- Nu ta flau ki óras bu devi txiga na bu abrigo kulokadu. Bu tem ki txiga na óra ki nu flau. Nu podi dau transporti pa bu abrigo, si bu mesti.
- Bu devi partisipa na tudu riunion ki bu for konvidadu. Ikipa devi dau sés informasons di kontatu. Si bu mesti muda un kompromisu, bu devi konversa ku ikipa sobri un novu oráriu pa riuni.
- Bu devi kumpri bu planu di rialojamentu.

8. Perturbason di Prazer Silensiozu

Rizumu

- Ka devi pirturba seriamenti otus pisoas ki vivi na idifísiu undi sta óspedadu.

9. Testis di Drogas

Rizumu

- Abrigu devi ten un razon spisífiku pa kal és pensa ki bu sta uza drogas.
- Bu tem ki fazi un testi di drogas si abrigo paga pa testi i fazi di riba.

10. Siguransa Insêndius & Fuma

Rizumu

- Ka devi fuma na di dentu.
- Só devi só fuma na área dizignadu pa fumadoris fora di abrigo ou hotel.
- Bu ka devi uza velas, insensu ou ikipamentus di kuzinha dentu di bu kuartu di abrigo.



- Bu podi pidi permision pa uza kês kuzas li na bu sala di abrigo. Ikipa di abrigo devi aprova bu sulisitason antis ki bu podi uza kês kuzas li.
- Bu abrigo podi da un spasu i ikipamentus pa bu kuzinha.

11. Linguagen di Asédiu ou Amiasa

Rizumu

- Bu ka devi asedia verbalmenti ou amiasa ninguén na abrigo.

12. Atividade Ilegal

Rizumu

- Bu ka devi kumiti ninhun krimi dentu ou pertu di hotel ou abrigo.

13. Kistons Legal

Rizumu

- Bu ten ki danu informasons sobri kualker prusesu di tribunal ki bu sta involvidu na el.
 - Keli ta inklui “restraining orders” (ordens di ristrison) i mandadus di prizon. Bu planu di realojamentu devi inklui un manera di rizolvi tudu kistons legal kuandu é nisisáriu.
 - Si EOHLC mandau avizu ma bu ten un mandadu di ser prezu ô di inkunprimentu/falta di kunpri lei, bu devi trata di el na prazu di 5 dias util
 - Si bu ka fazi, bu ka ta ser iligivel pa entra ô fika na shelter

14. Pirnoitas(Di Noti)



Rizumu

- Tudu membrus di bu família devi durmi na bu abrigo tudu noti.
- Pa durmi longi di abrigo, bu devi pidi pirmison pa abrigo ou pa ikipa di hotel.
- Ten un furmuláriu ki bu devi prienxi pa fazi kês pididus li. Kês furmuláriu li sta dispunivel na riseson di abrigo ou di hotel.
- Bu família podi fika fora di kulokason EA pa ti kuantu noti pa mês. Bu tem ki ten pirmison pa kada noiti fora. Bu devi pidi aprovason ku pelu menus dós dias utel di antisidensia. Si ka resebi risposta na prazu di 2 dias utel, bu pididu é aprovalu.
 - Ainda bu tem ki ta pidi aprovason, mesmu ki bu ka podi fazi ku dós dias utel di antisidensia. Bu ten ki splika pamodi ki bu ka pôdi pergunta más sedu.
 - Pididus atrazadu podi ka ser aprovalu antis di bu kré di noti. Si bu toma pirnoita sen ten aprovason primeru, bu podi ten un inkonformidadi.
- Si bu viola un regra, ou ka sigui bu planu di rialojamentu, nu podi negau duranti di noiti.
- Si bu auzenta pa dós ou más noti siguidus sen aprovason, bu devi liga ou manda un e-mail pa abrigo. Bu devi splika pamodi ki bu sta auzenti.
- Si bu fika fora pa dós ou más noti siguidus sen entra em kontatu ku abrigo, bu ta ser blokiadu.
- Si bu família mesti dexe abrigo pa más di 5 ou más notis, bu tem ki pidi un TESI. Ten un furmuláriu ki bu devi prienxi i ikipa podi djudau manda-l.

15. Objetus Pisual i Limpeza di Kuartu

Rizumu

- Só bu podi trazi ropas, prudutus di igieni pisual, ramedu i otus pikenus itens ku bó pa abrigo.
- **Kada pisoa** di sé família podi trazi apenas dós sakus grandis (30 galons). Si bu ben pa un abrigo ku más pertensis, bu ten 7 dias pa tra itens extras, si bu ten un bon



mutivu pa pertensis extras. Nu podi dau konsedjus sobri undi pa guarda pertensis extra.

- Bu devi manti bu kuartu limpu i rumadu.
- Nu ta inspisiona bu kuartu pa sertifika di ki é sta limpu. Bu ta resebi 24 óras di antisidensia di és tipu di inspeson.
- Nu podi ka da un nao konformidadi si bu ten un bon razon pa kal bu kuartu sta suju. Pur izemplu, si sta duenti, ou lava ropa, ou fazi malas i dizimbala kuandu nu inspisiona bu kuartu. Bu ten fla pa ikipa di abrigo si bu ten un bon razon pa kal bu kuartu sta suju.
- Si bu sai di abrigo, ou sai pa más di 48 óras sen aprovason, bu devi leva bus pertensis. Si dipós di 48 oras, bus itens fika na sala, nu ta poi na lixu.

16. Animal di istimason

Rizumu

- Bu ka devi trazi ninhun animal di stimason ou animal pa abrigo kualker mumentu, isetu pa animal aprovadus pa EOHLC pa djuda ku un difisiensia.

17. Ramedi di Priskrison

Rizumu

- Bu devi sertifika ki ramedi di priskrison é armazenadu na siguransa.
- Ramedi devi sta fora di alkansi di bus fidjus i di otus pisoas. Bu ka devi partilha ramedy ku otus pisoas na abrigo.
- **Na un abrigo:**
 - Ikipa di abrigo podi djudau atxa un lugar siguru pa guarda bus ramedi.
- **Na un hotel:**



- Bu podi pidi pa hotel, pur skritu, un kofri ku fitxadura. Si bu ka podi ser dadu un kofri, fazi bu midjor pa bu atxa un lugar siguru pa manti ramedy.

✖ 18. Asediu Sexual

Rizumu

- Bu ka devi asedia sexualmenti ninguén dentu ou na propriedadi undi bu sta óspedadu.

🍷 19. Abuzu di Substâncias

Rizumu

- Bu ka devi ten ou uza álcool ou kualker droga na propriedadi undi bu sta óspedadu..
 - Ti mesmu un garafa seladu di álkol é kontra regras.
- Bu ka devi abuza di drogas ou álkol kuandu ka sta na abrigo.

🩹 20. Komportamentu Violentu & Nigligênsia Infantil

Rizumu

- Bu ka devi ser violentu ku otus pisoas inkuantu na abrigo.
- Si bu for violentu ku otus, bu ta ser pididu ki bu abandona abrigo.
- Bu ka devi ser violentu ku pisoas di bu família. Keli ta inklui kriansas.
- Mesmu ki kriansas ta komporta mal, bu ka devi bati na és.
- Si nu fika ta sabi ou nu odja ki bo é violentu ku alguén, nu podi dinunsiau pa sirvisus di pruteson infantil (DCF).



21. Vizitantis/Konvidadus

Rizumu

- **Na abrigu:**
 - Bu abrigu ta ten sés própriu oráriu di vizita i régras. Bu ten ki sigui kés régras li.
- **Na hotel:**
 - Nunka bu ka devi ten un vizitanti di fora na un kuartu di hotel. Ikipa di hotel i ikipa di sirvisus susial é piritidus na bu kuartu.
 - Pisoas di otu família di hotel podi vizita bu kuartu. Otus kriansas tem ki vizita bu kuartu ku sés pais. Si bu teni vizitantis, ka podi ten más di 6 pisoas na bu kuartu di kada vez.
- **Na abrigu i hotel:**
 - Áreas kumuns ta ten sés régras própriu sobri vizitantis. Bu tem ki sigui kés régras li sobri kuandu i undi vizitantis podi sta.
 - Bus vizitantis tem ki sigui tudu régras di abrigu. Si bus vizitanti viola un régra, bu podi ser responsabilizadu.

22. Armas

Rizumu

- Bu ka devi ten armas na propiedad di undi bu sta óspedadu. Armas nunka é piritidus, mesmu ki legalmenti registradu. Bu familia podi tradu di abrigu si bu atxadu ku un arma na EA abrigu di familia.



23. Formuláriu di Rikunhisimentu di Informason Sobri Rijistu Kriminal (CORI)

Rizumu

- Menbrus di família ku 18 anus di idadi ô más debi sina un Formuláriu di Rikunhisimentu di CORI. Família podi ser ispulsu di abrigo si és ka sina Formuláriu di Rikunhisimentu di CORI.

24. Importanti

Rizumu

- Bu devi tenta kumpri tudu kês régras li.
- Bu abrigo ou hotel podi dau más régras. Bu També bu tem ki sigui kês régras la djuntu ku kês na kel dokumentu li. Si bó ou un membru di família viola un régra, bu ta ten diskumprimentu. Si bu viola régras trêš ou más vezis na seis mezis, bu ta podi ser pididu pa abandona abrigo.
- Si bu viola régras di un forma sériu, sima pa ser violentu, nu podi pidu pa bu sai di abrigo. Keli signifika ki bu abrigo ta ser tirminadu. Keli é verdadi mesmu ki nunca bu ten pasadu pa problemas antis.
- Tudu inkumprimentus ou risizons pur skritu podi ser objetu di rikursu.
- Si bu viola un régra, nu podi transfiriu pa un abrigo diferenti.
- Si bu viola un régra, nu podi negau sertus privilégios, komu pirnoitis.
- Bu podi ten un difisiensia ou otus bons razons pa kal bu viola un régra. Bu podi pidinu pa nu ta konsidera bons kauzas pa ka puniu.



☑ Konkluzon

- Si bu teni perguntas sobri signifikadu di kês régras li, bu podi pregunta pa bu Kuordenador di Sen-Abrigu di EOHLC. Na un abrigu, també bu podi pregunta ikipa di abrigu. Na un hotel, també bu podi pregunta pa kuordenador di sen-tetu tranzitóriu, pa vizitanti di FOR Families, pa ikipa di apoiu di hotel EA ou pa bu ligason HomeBASE.
- Nu ta spera ki kês rizumus li ta fasilita komprienon sibri kuzé ki é kês régras li é. Pa manti és kurtus i simplis, és ka flau tudu sobri régras. Si redason di un rizumu i verson integral di Rigimentu for diferentis, ta aplika língua di verson kompletu.